



# ЧАННАЦУЖУ

«ЗВЕЗДА»

26 август 2016 ш  
ножмар  
№ 34 (6515)  
Багъа 2 къуруш

Газета буклаккиссар  
1951-ку шинал  
ноябрьдания шинмай

Учредитель: Ккуллал районналул администрация  
Кулинская районная администрация

## Ц1усса дуккаврил шинайн х1адурну

Ц1усса 2016-2017-ку дуккаврил шинайн Ч1айннал дянйивмур даражалул школалый дунни диялсса дувуртту. Гъашину классиртгавусса ремонт дунни цила дуклакки оьрч1ал ва учительтурал гъужи рац1ух Микку классиртгавусса поллайх сирду бувккунни, ч1иртту киражрай к1яла бунни, гъаргъмур дакьин дунни, мукунсса иширтган гъарца дуклакки оьрч1ая дарт1унни 200 къуруш, мукунма ц1у буккан бунни гъавгъсса пюронт.

Школалый ва ц1яравусса ясли-садрай каялувшиву дуллалисса директор Ирина Шамиловнал

бусаврийн бувну школа х1адурну бур дуклакки оьрч1ру къамул бан, биялну бур мукунма дарсру дихьлансса учитель турал кадрарду.

Школалуч1асса ясли-садикрайгу мунил бусаврин бувну хьун най дур диялсса дахханашивуртту. Шикку гъашину ц1унилгут1ит1иннай бур, тамансса шиннардий лавкъун бивк1сса мюрщими оьрч1ал группа мунину дузал хьун най бур к1ия-шама инсаннанса зузи к1анттурдува мукунма мюрщисса кулпатру

ясли-садравун буллун, нитти хьащагу бюхьан т1ий бур цила давурттайн буккан.

Школа ва ясли-сад ремонт дайни, ду-дакъамур шаллу дуллай хьунмасса х1арачат бунни миккусса завхоз Мах1аммадова Паг1и маллулгу.

Т1айла бац1убаннав, зун дуклакки оьрч1ру, учительтал, нитти-буттахьул ц1усса ду ккаврил шинаву.

А. Абдуллаев.

## Дагъусттан Республикалул Бак1чинал Указ

Ширвани Рамазанович Чалаевлун 80 шин шаву к1иц1 лаглагисса шадлугърая

2016-ку шинал машгурсса композиторна хьхьич1унсса жяматийсса ишккаккун, РСФСР-данул халкъуннал артист Ширвани Рамазанович Чалаевлун 80 шин там хьанахъаврийн бувну х1укму буллай ура:

1. Дагъусттан Республикалул Х1укуматрал:

Сакин буван сакиншиннарал комитет Ширвани Рамазанович Чалаевлун 80 шин шаврил шадлугъ сакин дуваврил ва т1айла дуккаврил ялувсса.

Х1адур дуван ва ц1акъ дуван Ширвани Рамазанович Чалаевлун 80 шин шаврил шадлугъ сакин дуваврил ва т1айла дуккаврил давурттал план.

Ххалбигъин арцул шаллу баврил мастьала Ширвани Рамазанович Чалаевлун 80 шин шаврил шадлугъ х1адур дувансса ва т1айла дуккансса.

2. Муниципальный районна к1анттул самоуправлениярдал орнаннан ва шагъурдая округардан маслих1ат буван гьурттушинна дуван Ширвани Рамазанович Чалаевлун 80 шин шаврил шадлугъ х1адур даврил ва т1айла дуккаврил мероприятиялух.

3. Указ гужиравун бухлаххиссар мунил лув къулбас дурния махъ.

Дагъусттан Республикалул Бак1чи Р. Абдулат1ипов

## Шаэрнал 100 шин шаврин

Уттигъанну районналул библиотекалуву хьунни Дагъусттаннал халкъуннал шаэр Юсуп Рамазанович Ххяппалаевлун 100 шин шаврин хас дурсса утренник. Шикку гьуртту хьунни шяра валлал библиотекардал каялувчи тал ва дуклакки оьрч1ру.

Утренник т1ит1лай районналул библиотекалау хьунмур Пат1имат Х1ажиабдиевнал шиккун бавт1умий к1ул бувна шаэрнал биографиялушал. Був суна ва ушиву Дагъусттаннал халкъуннал шаэр, С. Стальскийл ц1анийсса республикалул премиялул лауреат.

Хьирив ихтилатру булла лимий бавц1уна шаэрнал творчествалий, бувккуна мунал чивчусса назмурду.

Утренникрай районналул бак1чинал ц1ания шиккун бавт1умий барча баву ва Ххяппалаевлул творчествалул агъамшиврия бусаву дурна райадминистрациялул виваллил политикалул отккланул хьунма Ш. Хизриевтул.

Шаэр Ю. Ххяппалаевлун 100 шин шаврин хас дурсса баг1авуртту районналул щархьал билиотекалувугу хьунни. Микку шаллу дунни мунал ц1акусса стендругу.



## Зуц1ун ка бакьиннав

Жула зунттал билаятрай инсаннал маъшат ризкъи ябариву дур, цуксса куннахъ ку т1ий бунугу цамур журасса даву жуч1ара дакъар, мунияту ливхьунугу най бур, му дур жула ц1уц1имур ккарччигу, мунил лагма буклай бур мазгу.

Гъашину т1абиабтрал гьараллу гьарзану дирк1ун т1ий ризкъилун к1илахъия

лунсса лазуни х1адурдаву махънин дагъну дур. Му давривугу гьарца инсаннал дусса ч1ун ишла дурну х1арачат буван багъай.

Ххулу баврил даву кумаграл даву дур, кумаг бакъар учай цаппараннал. Булларча цумур бунугу кушу бувай кумаграх къаялугълай буллалиналгу.

Маммахъал Х1асан Паттах1лул арснал оьрч1ру уттигу мюрщину бур, ризкъи ябаривар ххишалал цамур пиша ванач1а бакъар. Ший тиннай дик1лай, даву даяр дуллалинах ялугълай анан ванан къа ххирар, мунияту гьарал лая нигъа къаувсун (Ахир 2-мур лаж.)

## Рязий акъашиву баян бунни


Гъашину машгурсса композитор Рамазанул арс Ширвани Чалаевлун 80 шин там хьанай дур.

Ширвани Чалаев увссар Хъусрациял шяраву 1936-ку шинал ноябрьданул 16-нний.

Ширванинал хьхьич1 ва-хьхьич1 къуртал бувссар Мах1ачкъалалал музыкальнй училище, 1964-ку шинал марц1сса ххювардай къуртал бувссар Московуллал Паччах1лугърал консерватория, 1968-ку шинал къуртал бувссар профессор В.Г. Ферч1а аспирантура. 1978-1983-ку шиннардий зий уссия Дагъусттаннал композитор турал Союзрал правлениялул председателюну.

1971-ку шинал Ширванинал дуллуссар Дагъусттаннал АССР-данул халкъуннал артистишиврул ц1а, 1981-ку шинал февралланул 2-нний дуллуссар РСФСР-данул искусствалул лайкъ хьусса деятель т1исса ц1а. 1986-ку шинал январьданул 24-нний дуллуссар РСФСР-данул халкъуннал артист т1исса ц1а.

Ш. Чалаев АФ-лул Паччах1лугърал премиялул лауреатри, мукуна лауреатри АФ-лул Х1укуматрал



премиялул.

Ширванинал уттинин чивчуссар 7 опера, 2 балет, 2 симфония, 21 концерт, ч1явусса произведенийарду симфонический ва вокальный музыкалул, чивчуссар кинордац1унсса, театр данунсса музыкарду. Ш. Чалаев авторну хьанай уссия дагъусттаннал гимналул, цувгу 2003-ку шинал РД-лул Халкъуннал Собраниялул къамул дурсса ва февралтаний 2016-ку шинал мунил к1анттай цамур къамул дурссар.

Дагъусттан Республикалул Бак1чинал итабавкъусса цала 80 шин шаврил шадлугъ т1айла дуккаврил ялувсса Указрая бавусса Ш. Чалаевлул баян бунни ц1унна дарх1усса юбилейрал шадлугъру дагъусттаннай дуллалаврия рязий акъашиву

# Хушрай тапшур буварча

Дагъустан Респуб-ликалул Х1укуматрал 2015-ку шинал апрелланул 24-нний №184 къамул бувсса «О мерах по организации добро-вольной сдачи гражданами незаконно хранящего огнестрельного оружия, боеприпасов и взрывчатых веществ на территории Республики Дагестан» х1укмулийн бувну 2015-ку

шинал майрал 18-нний декабрьданул 31-нин най буссия хушрай буллалисса ярагъ, п1якъ учаймур къамул буллалаву, тапшур був ссаннухгу дуллалиссия арцу. Ярагъ ва п1якъ чаймур, ккулларду ва цаймигу тапшур дурмуних дуллуссия арцу Х1укуматрал х1ук мулуву ккаккан дурссакасса. Ц1анасса тагъар

ххал дигълагъисса ч1умал уттигу х1исав хъанай бур республикалий хъуннав, районналий хъуннав инсан турач1а бушиву ихтияр дакъанма ябуллалисса ярагъ.

Ц1анасса ч1умал республикалий, мукум жула районналийгу РД-лул МВД-лул 2016-ку шинал августрал 20-сса амрулийн бувну къамул бувну буссар операция ярагъ ва п1якъ

учин даймур хушрай тапшур баврил ялувсса. Хушрай тапшур бувсса ярагъуннил х1акъира вунсса справка ласаврил, миннух арцу ласаврил ялув к1ул буван бюхъайссар Лакрал РОВД-лий.

Агарда ихтияр да къанма ябуллалисса ярагъ, мунил гъануми бут1ри лякъирча полициялул зузалтран, мукумма

уголовный танмих1райн к1унк1у уллалиссар. Агана хушрай тапшур буварча, мунан ми ярагъунних дагъайсса арцу дулайссар. Танмих1райнгу к1унк1у къаувайссар.

Тявакъюри гъарцагу ихтияр дакъанма ябуллалисса ярагъ бусса инсантурал ми хушрай тапшур буваву. Хушрай тапшур бувмуних ялавай к1иц1 лавгсса багъа булунт1иссар.

## Зуц1ун ка бакъиннав

(Дайдихьу 1-мур лаж)

Х1асан ч1умуйва ххулу буллан ивк1уна.

Дусса ч1ун ишла дур ну, цулуй занай ванал ххала бак1уй бивхьуну бур ц1ан нин ряхва машина ххалал, «Уттигу бур буцансса к1ан тту, бюхъарча косилка ба къирчан ххуйну хъунссия», - т1ий ур Х1асан.

Х1асаннул цала арил чинмур классравун лавгсса оьрч1 ивтунни гъашину жяматрал бюрчурдич1а. К1юрххи-къуннил оьрч1ан кумаггу бувну ва лагай цулун.

Я буллау ур Х1асан ац1ва лах1и ризкъи, ряхва бярч, мукъц1а- ххюц1алва яттил х1айван, мунияту ва

х1арачат буллау ур вайннун ч1умуй диялсса лазуни дан. К1интнил ч1умал Х1асан зий ур школалул кочегарну, кулпат Муслимат бур медсестра, ва зий бур жула районалул поликлиникалул регистратураллий, шаппа буний Муслимат буч1ай къашайшалатрач1ан.

Х1асаннул ва Мусли матлул бур 3 оьрч1 (к1ива душ ца оьрч1) вайгу дуклай бур школалий. Вайннал шийсса кумаг бай ниттин ва буттан ххулу бавриву ва цаймигу давурттан.

Ка бакъиннав Х1асан ва муслимат зуц1ун, т1айла бац1у баннав оьрмулуву.

**Р. Мах1аммалов**

## Барачат бушиву буслай

Европанавусса бусалар давун дагъсса Швейцарияна вуниар хъисгу яларай дакъа сса т1аб1иаьтрацалсса тбур жула билаят. Анжагъ ва укунсса хъинну дарувсса уртту ччаннаравухра дусса Ватан циваннив къак1улли жула чансса инсантуран дакъа ччай дакъар. Уттигъан ну ца ттуна гъансса инсаннахъ бувсэссия улккул ч1ап1аву, неххал ч1ап1аву, х1ухчил ч1ап1аву душиву адаминал пурпуххун ва ччарулан дарув сса микроэлементру. Аммаки ца нюжмардува ганач1ан лавгун унува ттуна ганал стол даний ххал хъуна ххирасса аптекалия лавсэсса дарув. Важаж1у инсантурал къак1улу б1ушиву.

Бунияла аьлтта ч1алай бур цахунма цивпа бивчусса инсантурал цала къатта-къушлилсса бакъа миллатрал сса, тухумиралсса буруккин тту гайннал пикрирдаву архну бик1айшиву. Укун бакъахьур ча циванни Ваччав къуллугъ рай зузисса Вихьуллал шяравасса инсанн ттулмий къатрач1ату арх бакъасса мах1лалийсса цала къатри ххал дуван шинал лажиндарай цалагу къауч1айсса? Улу ванан дак1ния ларгун къат1ув дирч1исса янна шюшайсса т1ясруву уртту ххярххун,

гайннул къамагума къат кунни. Циванни дакъасса, ванахха дурну жула зунттаву жула хъхъич1 яхъанай бивк1мий наслулул, чару бавц1ан бувайсса к1иришиву дусса билаятрай, архитек туралул чулуха хъинну к1анин дирчусса ц1акъсса къатри. Нава т1ут1имур тасттикъ буллау ура Хъюйн нал лувсса Хъуннеххайсса ламулуч1ату арх бакъа бур бургъил бассан буллау к1яла лавгсса хъунмасса къасса къун. Ваца га бунияла иинсаннал кираж бувкний кунмасса къун бур.

Мукумма янилун дагъ лай дуссар ч1алну дургъусса духьурчагу нехъа бувгъусса цюллинурасса Вихьуллал шяраваллил ххъхъич1исса Бак1улалу т1исса к1анайсса хъу. Гъан хъуну урувгсса ч1умал, х1исав хъанай буссар лях-карах ххярхсса урттуяр ялтту буккан ях1 буллау нехъа, гайннуяр лавайну ч1аллан татлай. Бургияра къамагума бур жухъва х1арачатран барачат бушиву буслай.

Кару гъаз дуvara Лакку билаятрал буруккин тту буманал ва гай биттур буван х1арачат буллалиманал!

**Х1. Х1усайнов**

№/п	Наименования оружия, боеприпасов и взрывчатых веществ	Цены(МРОТ)
		новые цены Пост. пр-ва № 227-16 г
1	Пистолет или револьвер	30000
2	Автомат	40000
3	Пулемет	50000
4	Ручной противотанковый гранатомет	30000
5	Подствольный гранатомет	30000
6	Одноразовый гранатомет или огнемет	30000
7	Винтовка СВД	40000
8	Пистолет пулемет	30000
9	Охотничий карабин	6000
10	Охотничье гладкоствольное ружье	3000
11	Газовые пистолеты и револьверы	1000
12	Пистолеты револьверы кустарного производства	1000
13	Самодельное стреляющее устройства	500
14	Взрывчатое вещество тротил, пластид. За один грамм	5 р
15	Взрывное устройство	2000
16	Средство взрывания (электродетонатор, капсуль-детонатор) за один штук	200
17	Штатный боеприпас к артиллерийскому вооружению	2000
18	Выстрел к РПГ	2000
19	Выстрел к подствольным и станковым гранатометам	1500
20	Ручная граната	1500
21	Мина	1000
22	Патроны и боеприпасы к боевому стрелковому оружию	10 р
23	Винтовка Мосина	10000

**И.о. Начальника МО МВД РФ «Лакский» капитан полиции**

# Учительтурал к1улшиву гъаз дуллалисса курсру

Вай гъантрай август рал 15-19-нин Мах1ачк1а лалив «Дуккаврил даража лахъ байсса» институтраву най бия оьрус мазрал учительтурал ва байбихулул классирттал учитель турал дуккаврил даража лахъ буллалисса курсру.

Вай курсирдайн лекциярду бункин бувк1ун бия Краснодардал край раятусса, Ставрополь лаятусса. Москвалиятусса филологиялул элмулул кандидатътал ва ц1анихсса учительтал.

Шикку гъаз буллай бия жула билаятрай яла агъанмурну хъанахъисса оьрус маз лахъхъаврил масъала. Му мазрал дарс дишаврил масъ аларду.

Жула ч1явусса

миллат ру бусса билаятрай ми миллат ру цач1ун буллалисса мазну хъанай бур оьрус маз, му лайкъсса даражалий оьрч1ан лахъхъин бавугу хъанай ца яла агъанмур бурж оьрус мазрал учительтурал. Курсирдайн бувк1ун бия 345 оьрус мазрал учитель, цивгу бавч1усса 17 группалих ва 500 байбихулул классрал учитель.

Курсру къуртал хъа нахъисса кьини 19-нний августрал институтрал акто вий заллануву хъуна видео-конференция, цийгу гьуртту хъанахъисса Кабардино-Баркария, Краснодарский край ва Дагъусттан.

Конференциялий ихтилатру буллай бия: Нившупа Людмила Никола

евна мазрал ва литера туралул х1акъиравусса х1укуматрал политика, учительтурал культура ва за к1улшиву, ч1явусса миллат ру бусса регион душиву жула регион, Муртазалиев Абумуслим Мах1аммадович т1ий ия: «Оьрус маз лялич1исса статьяри мунихсса къулагъас ляли ч1исса дик1ан аьркин ссар». Шалтукова Ирина Васильевна Кабардинавату буслай бия цач1а

вагу хъушиву мукунамасса курсру 348 учитель оьрус мазрал 400 учитель байбихулул классирттал бавч1усса, Навазова Татьяна Гавриловна бия: «Жува Краснодарский крайрай цач1ун буллай буру т1ий»

Кабардиннал учительтал бия 1 кулпатраву 3-4 маз бур, оьрус маз мукунамасса к1анттаву бакъа къабуч1ир лахъхъингу бигъа бакъар т1ий. Ч1явуя

конференциялий гъаз буллалисса масаларду, буслай бия оьрч1ащал цала дайсса давурттаяту, оьрч1ал дулла лисса проектирдаяту, мазрал культуралияту, луттирду ккалаккаврия ва м.ц. ишир ттаяту.

Жула районналияту вай курсирдай гьурттушинна дуллай бия 9 учитель оьрус мазрал, хъинну мюнпатесса курсру бия т1ий рязину бия гьуртту хъуми.

Р.Мах1аммадов.

## Гъинттулсса Олимпиадалул жьамру

Августрал 21-нний къуртал хъунни 2016-ку шиналсса гъинттулсса Олимпиада. Аьрасатнал командалул олимпиадалий бувгъунни 4 к1ану. Ва жула командалул ларсунни 19 медаль мусил, 18 медаль арцул, 19 медаль чарвитул. Жула командалул лагма-ялттусса гъура-гъайталул аьлагъужалух бурувгун ва хъхъич1унсса ккаккия хъуссар. Х1исав дурсса ч1умал жула командалул чулуха цаягу спортсмен гьуртту хъун къаивтесса куклу атлетикалуву. Му бяччалланивуя яла ч1ярумий медаллугу ласайсса гъинттулсса Олимпий т1урк1урдай.

Махъсса къура шинал мутталий Рио-де-Жанейролийсса т1урк1урду яла лашинну хъунни. Сиднейрай хъусса олимпиадалия шихуннай ларсусса мусил медаллу чан хъанай дирк1унни. Аьрасатнал цал цаярва хъхъич1ун буккан бивтуну Китай, Лондоннай т1урча ялагу британцы хъхъич1ун ливчуна. Олимпиадалий цинявпагу гьуртту хъунни 206 билаятраясса 10899 спортсмен. Дуллунни 306 комплект медаллал, цинявпагу спортрал т1урк1урду бия 26 журасса. Олимпиада т1ирт1уна августрал 5-нний, ларкьуна августрал 21-нний.

### Августрал 27-нний кинорал кьини

## Искусствалуву яла агъанмур

Оьрмулул бугъара миннанттигу ххуйну дак1ний дуссар кинорал кьини.

Августрал 27-нний хъуна дакбайссия уттигу хъу на дакбайссар кинорал кьини. Кино увкукун жунма дак1 нийн багъай, хъхъич1ва жула шяраваллаву тамашачитурал шап куну бавч1усса клубу. Телевизорду бакъасса ч1у мал яла бияла бумур искусств валул бут1а хъанай бия кино. Мунихтуну къулагъасгу хъуннасса дик1айва. Ч1ун наниссаксса, замана баххана хъанайссаксса клубирда вусса кинордал тагъар хъинну яларай дагъунни. Агана хъхъич1ава гъарца шяраву кино ккаккан бюхълай бивк1хъурча, утти ми духра ларгунни. Къаливч1унни якиномеханиктал, ягу миккусса киноаппаратурарду. Так-тукну хъунисса шагъ рурдай ккаккан даву дакъа сса, ялабий к1анттурдай, х1атта райцентрдайвагу бакъар кино ккаккан дайсса киноустановкарду. Мунихтуну жува гъарцамагу шаллу шин дуллай буру телевизор давух ккаккан дуллалисса кинордай.. Амма ми цукун дунугу анавар хъиннарай дурсса кинордай-сериаллай рязийсагу ч1явусса къаби клай.

Жула районналийгу хъхъич1ва бик1айссия 17 киноустановка, миннува

шанма киноустановка буссия хозяйствардал къутаннайгу. Шяраваллаву киноруа новкардай ч1явумий кино механикталну зий бик1айва хъами-душру. Цала даврий хъун дуллалисса ккаккирттахлуну миннава ч1явусса лайкъ хъуну буссия республикалул, Федерациялул кинематографиялул комитетир ттал чулухасса Х1урматрал грамотарттан. Районналий хъхъич1ва-хъхъич1 республикалул культуралул лайкъ хъусса зузала т1исса ц1анин лайкъ хъуссия Ккуллал шяравусса киноустановкалул кинемеханик Муи Суллуева, лич1и-лич1ийсса Х1урматрал грамотардан лайкъ хъуссия Хъусрациял шяравусса киноустановкалул кинемеханик Шамалахалун Шихшаева, Сумбат1уллал Пат1имат Х1ажикъурбанова, Ваччиял-Михаил Х1усайнов, Хъюв хъиял- Пат1имат Аьлиева, 1-мур Ц1увк1уллал- Рамазан Къуцмаев ва ч1явусса цаймигу. Гъай-гъай, ц1анасса ч1умал ч1явумий жушала бакъар, бумийгу оьрмулул бугъара хъуну бур. Бухъурчагу, клубраву кино дишайсса ч1ун ч1явуминнан тяхъасса, хъинсса ч1унну ч1алай дик1ай, кинорахун бувк1усса ч1умал цаннан-ца ккаклай, хавар-махъ буслай цач1у тяхъану гъан дувайсса ч1унну.

№	Команды	● Золото	○ Серебро	○ Бронза	Сумма	Очки
1	США	46	37	38	121	250
2	Великобритания	27	23	17	67	144
3	Китай	26	18	26	70	140
4	Россия	19	18	19	56	112
5	Германия	17	10	15	42	86
6	Япония	12	8	21	41	73
7	Франция	10	18	14	42	80
8	Южная Корея	9	3	9	21	42
9	Италия	8	12	8	28	56
10	Австралия	8	11	10	29	56
11	Нидерланды	8	7	4	19	42
12	Венгрия	8	3	4	15	34
13	Бразилия	7	6	6	19	39
14	Испания	7	4	6	17	35
15	Кения	6	6	1	13	31
16	Ямайка	6	3	2	11	26
17	Хорватия	5	3	2	10	23
18	Куба	5	2	4	11	23
19	Новая Зеландия	4	9	5	18	35

**Редакциялул адрес**  
368390, Республика Дагестан  
Ккуллал район, ш.Ваччи  
**Издательнал адрес:**  
Республика Дагестан  
Ккуллал район, ш.Ваччи

Газета регистрировать  
бувссар РФ-лул МТПР-лул  
Южное межрегиональное  
управлениялул.  
Регистрациялул номер  
ПИ № 10-4202

**Хъунама редактор**  
**А.И. Къянчиев**

Газета бавч1уссар «Чаннац1уку»  
газетрал редакциялул компьютердай,  
бившуссар ГАУРД «Издательский дом  
«ДАГЕСТАН». Типографиялул адрес:  
367018. Мах1ачк1ала, пр.  
Насрутдинова 61,

Буккайссар ножмардий  
цал,  
Индекс: 51317  
тираж 650 экз. Газета  
итабакьин къулбас дайсса ч1ун  
17. 00,  
къулбас дурсса ч1ун 16. 00